



Даршар

Эжва йывса войтырлөн газет

Петё 1929 восянь

Четверг, 2011 вося июль 14 лун 85 (10360)-өд №

ТӨДӨЙ, МЫЙ ВЫЛЫС

РАЙОНЛӨН ПРАЗДНИК

Июль 15 лунё Кулөмдінын пасьясны районлы 82 во да юрсиктлы 365 во тырём. 10 часьянь гажөдасны челядьёс. 12-сянь 14 часөдз районса администрацияын лоас кык праздникискөд йитөдын кыпыд чукөртчылөм. 14 часын районса администрация водзын нимөдасны «Кулөмдін» муниципальной районлысь официальной сайт восьтөм. 15 часьянь культура керка водзын паняс «Дзоридзав, Кулөмдін район!» гаж. Петкөдчасны районсы медбур котырьяс. 18 часьянь лоэ эстрада котырьяслөн «Аслыспөлөс пекнича» гаж. 20 часьянь том йөзлөн йөктөм.

БОСЬТИСНЫ БУР ОПЫТ

Районса юралысь Д.А.Шатохинлөн водзмөстчөмөн районсы 6 да республикаса промышленность министерствоса вөр департаментысь 3 кыккутана уджалысь ветлісны Вөлөгда областьса Никольск карё.

Сэні найё төдмасисны «Никольский лес» котырлөн уджөн, волісны сэтчө пырысь предприятиясө. Вөліны и карса администрацияын мунысь «гөгрөс пызан» вылын, көні сёрни муніс «Никольский лес» котырлөн удж йылысь. Сылысь опыте кутасны пыртны миян районын.

«МОНДИ СЛПК» ОТСӨГӨН

Пёртсё оломё районса администрациялөн да «Монди Сыктывкарса ЛПК» комбинатлөн социальной ордйысьөм кузя сёрнитчөм.

Тимшерысь предприниматель С.В.Мастюгинлы ньобасны вөр переработайтөм могысь станок да косьтысян кык камера. Торйөдасны сьом «Помөсдін» видз-му кооперативлы. Кырмаласны субподряд вылө сёрнитчөм предприниматель Л.А.Опаринкөд. Сійө кутас заптыны вөр комбинатлы. Предприятие весьтө дзоньталасны челядьы оланінгяса Лопгювадын да Кебангьельын. Бөрьяс сіджжө выльмөдасны школа, Тимшерын - клуб. Комбинат торйөдө сьом, медым сувтөдны Зимстанса вичко вылө юрьяс. Комбинатсянь районлы сіджжө вичмас 15 сюрс кубометр пес.

ОРДЙЫСЯСНЫ ЮГЫДЪЯГЫН

Районлөн экономическөй оломын төдчанаторйөн лоэ «Вөр лэдзысь» ордйысьөм.

Таво сійө мунас июль 16 лунё Югыдъягын. Ассыныс сямлун петкөдласны форвардерьяс вылын уджалысь операторьяс, ставыс 8 морт. Видзөдысьясысь лов кыпөдасны сылысь-йөктысь котырьяс.

ПАСЙИСНЫ 200 ВО

Районын вочасөн ловзё Енлы эскөм, воысь воё кыпалёны выль вичкояс.

- Восьявыйын Помөсдінын вежа керка, вөвлытөм ыджыдөс лэптисны Зимстанын, - висьталіс владыка Питирим Кулөмдінса Петыр-Павел вичколысь 200 во тырём пасйигөн.

Праздник вылө волісны епископ Питирим, районса нималана морт Ф.Г.Карманов, районса юралысь Д.А.Шатохин, Кулөмдін администрацияса веськөдлысьлысь могьяс оломё пёртысь С.В.Рубан да с.в. Юргис Сыктывкарса Свято-Стефановскөй кафедральной соборысь архиерейскөй хор, петкөдчис Кулөмдінысь «Рябинушка» сылан котыр.

МАСТЕРЪЯС МОЗ

Ижевскын муніс том лыйсысьяслөн ордйысьөм. Сям петкөдліс и Тимшерысь кык котыр. Торйөн бура лыйсисны Лариса Кирушева да Виктория Сидякина - спортса мастерьяс моз. Лариса Кирушева шедөдіс коймөд места. Сійө веськаліс республикаса отувья котыр дасьтан шөринө.

Асланым да общ. корреспондентьяс.

КУЛӨМДІН РАЙОНЛӨН НИМАЛАНА ЙӨЗ



Снимок вылысь ті аддзанныд странаса президент Дмитрий Анатольевич Медведевөс да Тимшерысь лесничөй

Маркс Фёдорович Поповөс. Снимоксө вөчөма Кремльын. Сэтчө Маркс Фёдорович ветліс бур уджысь нимө-

дөм вылө. Сылы страна президент вичмөдіс «Россияса медбур лесовод» пас.

Москваө ветлөм да

пыдди пуктана мортлөн олан туй йылысь лыддөй газетлөн мөд лист бокысь.

ЧОЛӨМАЛӨМ

Дона ас муывысаяс!

Кулөмдін районлөн чужан лункөд йитөдын став сьолөмсянь чолөмалам тиянөс да сиама асланым ичөт рөдиналөн дзоридзалөм могысь оломын став бурсө да уджын выль вермөмгяс!

Тайё пыдди пуктана да збыльвылө бур сьолөма праздникис отувтө миян районсы уна национальносъта став йөзөс, шонтө найөс, кыпөдө лов, озырмөдө выль аддзысьлөмгясөн да уна буртор төдмалөмөн.

Районлысь чужан лунсө пасйөны найө, кодгьяс тані чужисны, и найө, кодгьяслы сійө лоис мөд оланінөн. Тані олысь войтыр зильөны вөчны воддза йөзөн овмөдөм мусө мичаджыкөн да кыпыдджыкөн, удж төдөм да чужан му пөся радейтөм - Эжва йывса олысьяслөн вираныс. Тайө сетө поэянлун водзө мунны да сөвмыны кызди Кулөмдін районлы, сідзи и Коми республикалы.

Сьолөмсянь сиама тиянлы да республикаса став йөзлы ён дзоньвидзалун, кыпыд лов, аския лунө эскөм!

«Кулөмдін» муниципальной районса юралысь - Д.А.ШАТОХИН,
«Кулөмдін» муниципальной районлөн Советса председатель А.Н.КОНДРАШКИН.



Василий ЛОДЫГИН

ЧУЖАН МУ

Ог власьтлөн тшөктөм серти шу,
А сьолөм кылөм серти шуа,
Мый медся дона чужан му,
Код Эжва, Көтйөм, Кулөм юа.

Зэв важөн татчө воліс морт
Да уджөн-вынөн оло-вылө,
Вой төвьяс вылын быдтө борд,
Лөнь рытгья кыа улын сьылө.

Быд керка помын бать да мам
Да налөн йылөм - нывьяс-пиян.
Бур йөзлөн сөмын өти сям,
Мед весь оз овны некор кияс.

И буретш тайөн мича лун,
А абу шондйөн ли мыйөн.
Зэв чөскыд сөмын тані ун,
И шудсө сөмын тані кыян.

Зэв паскыд му - планета выв,
Но кытчөскорө ветлан-волан.
И ставсыс муса Эжва йыв,
Да, көть и сьөкыд, тані-й олан.